

سنه لکی درسعات ایچون مجیدیه
یکرمی غروش حسابله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

تجدید نظر در سادات ایچون مجیدیه

آبونه اولقی ایستینلر دأره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجدید نظر در سادات ایچون مجیدیه

عدلیه نظارت جلیله سی مکتوبی قلمی شفره ومهمه
کاتبی سعادتلو آگاه بک افندی سک عنوانی قلم مذکور
شفره ومهمه میز لکنه ترفیع اولنمش ومیر مومی الیه
ذاتاً محلف بولنمشدر.

تبدیلیات

اوخانس وکر قور نام کسنه لک کدک متصرفی صفتیه
موکلی حسین افندی عاینده اقامه ایلدکاری دعوی
اوزرینه موکلنک اجاره معلومه الیه محکومیتی حاوی
درسعات بدایت محکمه سی برنجی حقوق دأره سندن
استحصال ایلدکاری حکم استینافاً وتمیزاً تصدیق
ایدلش ایسه ده اشبو اعلاناتک صدورینی متعاقب
ملک صاحباری طرفلرندن مرقومان اوخانس وکر قور
علیله رنده مرجعی اولان استانبول قاضیلی محکمه سنده
اقامه اولنان دعوی نتیجه سنده ادعا اولنان کدک وجودی
اولمادی و ملک کدک کدن خالی اولدینی بالحاکمه ثابت
اوله رق بوباده کی کدک سندرلرینک ابطالی لزومه حکم
شرعی لاحق اولمش واشبو حکم شرعی فتواخانه جلیله
و مجلس تدقیقات شرعیه جه تصدیق اوله رق اکتساب
قطعیت ایلش ایدو کندن ومذکور اعلام شرعی درسعات
اعلامات نظامیه اجرا مأموریتیه ارأه اولدینی حالد
کیفیتک انجمن عدلیه جه فصلنه دکن مبلغ مدعا بهک
دیپوزیتو ایدلسی تکلیف ایدیلرک عکسی تقدیرده
موکلنه تمیزاً کفالت ایتش اولان نعمه اه افندی سک حبس
ایدیله جکی صورت قطعیه ده افاده اولنمش وشو حال موجب
مغدوریت بولنمش اولدیغسندن بحثله استدعای معداتی
متضمن دعوی وکیللرندن محمود رفیق بک امضاسیله اعطا
قلنان عرنحال اوزرینه مرقومان اوخانس وکر قور
اغلرک استحصال ایدوب تمیزاً تصدیق ایدیلان اعلام
اوزرینه ملک صاحباری خالد وشوقی افندی لک
منازع فی اولان ذکرمانده کدک موجود اولدیغنه دأره
اقامه ایلدکاری دعوی معرفت شرعیه بالرؤیه محل مذ

کورده اساساً کدک وجودی اولدیغنک تحقیقنه مبنی
بروجه ادعا مذکور ذکرمانک شخص ثالث مومی الیهما
خالد وشوقی افندی لک تسلیمی حقنده لاحق اولان
حکم شرعینک تنفیذ ایدلیکی ومستأجر حسین افندی
ذمتده کرقور واوخانس اغلرک حکمه ربط ایتدیر.
دکاری بدل ایجار مومی الیهما خالد وشوقی افندی لک
طرفلرندن حجاز ایدلیکی جلب ومطالع اولنان اعلام
شرعی الیه بالحواله اعلانات شرعیه اجرا مأموریتندن
یازیلان درکار مألندن اکلاشلمش اولسنه کوره مبالغ
مذکورک خالد وشوقی افندی لک اعطا وتسلیمی جائز
اوله میوب مومی الیهما بک اخیراً لاحق اولان حکم شرعی
موجبجه نائل اولدقلری حقوق تصرفیه لرینی سخته دار
ایدن مذکور اعلام نظامی علیهنده اعتراض الغیر صورتیه
محکمه عانده سنه مراجعتله اقامه دعوی ایتکده مختار
اوله جقلری کی اشبو دعوی اعتراضیه میاننده مصارف
محاکمه نک تحصیلی مسئله سی دخی فصل ایدیلرک کندن
اولوجهله ایفای معامله اولنق اوزره کسب قطعیت
ایتمش اولان اعلام نظامی حکمنک دوام اجرایی لازم
کله جکنک مستدعی مومی الیه تفهیمیه برابر اعلانات
نظامیه اجرا مأموریتیه دخی تبلیغ کیفیت اولنمش
انجمن عدلیه دن افاده اولنمشدر.

محاکمه مقررالت

سیس قصبه لی آلا دین اوغلنک خانه سی دیواری
دلهرک اشیا وارزاقی سرق ایلدیکی ادعاسندن دولای
جنایتله اتهام اولنان بربر کوسه کیغورق اوغلی میناسک
اوج سنه مدته کورکه قونلسنه دأره قوزان سنجاغی
بدایت محکمه سی جزا دأره سندن ویریلان (۱۹۱)
نومرو لی اعلام

ولی ملا اوغلی علینک لیلأ خانه سی باجاسندن ایچرویه
بالدخول اشیائی سرق ایتسنندن دولای جنایتله اتهام
اولنسان ذلفو بن مصطفانک اوج سنه مدته کورکه
قونلسنه دأره معموره العزیز ولایتی استیناف محکمه سی
جزا دأره سندن ویریلان (۵) نومرو لی اعلام

ملاطیه به تابع چغانه قریه سی اهالی سندن سیدونک
اوکنه جیقوب معامله جبرو شدت اجراسیله عبا واشیای
سأره سنی غضب ایدیلکندن دولای جنایتله اتهام اولنان
رنجبر حسینک درت سنه مدته کورکه قونلسنه دأره
ملاطیه سنجاغی بدایت محکمه سی جزا دأره سندن
ویریلان (۴۰۷) نومرو لی اعلام

تجارندن وانلی قالوست ایله موسیس ولد نورسکک
اشای راهده اوکلرینه جیقهرق معامله جبرو شدت
اجراسیله اشیالرینی اخذ وغضب ایتلرندن دولای
جنایتله اتهام اولنان حسن بن حسین ومحمد میرزا بن
محمدک اوجر سنه مدته کورکه قونلرینه دأره بتلیس
ولایتی استیناف محکمه سی جزا دأره سندن ویریلان
(۵۰) نومرو لی اعلام

فوجه عتیقک جامع کیر محله سی اهالی سندن مهاجر
اوغلی احمدک کیفیت قتلندن دولای جنایتله اتهام اولنان
سنتجی اوغلی علی بن مصطفانک اون بش سنه مدته
کورکه قونلسنه دأره آیدین ولایتی استیناف محکمه سی
جزا دأره سندن ویریلان (۸۶) نومرو لی اعلام

حلبک تاتار محله سندن عبدالقادر بن حاجی عمری
قتل ایلدیکی ادعاسندن دولای جنایتله اتهام اولنان
بیاض محله لی حسین بن احمد صبا حینک اون بش سنه مدته
کورکه قونلسنه دأره حلب ولایتی استیناف محکمه سی
جزا دأره سندن ویریلان (۷۷۹) نومرو لی اعلام

فیلورینه قضا سنک قالنک زیر قریه سندن یورکی ولد
طریقونک کیفیت جرچندن دولای جنایتله اتهام اولنان
مناسرک قالی قریه سندن تیمور بن محمدک اوج سنه مدته
کورکه قونلسنه دأره مناسر ولایتی استیناف محکمه سی
جزا دأره سندن ویریلان (۱۶۴) نومرو لی اعلام

الاصونیه قضا سنک ویرده قوشا قریه سندن خرستو
دیمتری بی جرح ایدرک تعطیل عضونیه سبیت ویردیکی
ادعاسندن دولای جنایتله اتهام اولنان دیمتری ولد
دیمونک اوج سنه مدته کورکه قونلسنه دأره سرفیجه
سنجاغی بدایت محکمه سی جزا دأره سندن ویریلان (۷)
نومرو لی اعلام

اظنه نک ایچادیه محله سنده سنا کنه مادام لومبانک

دیوارندن آتھرق آلت مخصوصه استعماله اوطه قیوسی شکست و سرقته تصدی ایلدیکي ادعا سندن دولای جنایتله اتهام اولنان البستانی سید بن حسنک اوج سنه مدته کورکه قوتلشنه دائر اظه ولایتی استیفاء محکمه سی جزا دأر سندن ویریلان (۱۶۶) نومرولی اعلام محکمه تمیز جزا دأر سنجه تصدیق ایدلشد.

۱۹۸ نومرولی نسخه ده مندرج در سعادت جنایت محکمه سی اعلامنک مابعدی :

محل مذکورده طاش اسکله ده مصطفانک قهوه خانه سنده اقامتله فرانسوانک دوکجهی دکانده حمالق ایدن یکر می ایکی باشنده وائی شریف بن احسن وقعه کونی مقتول شریف ایله برلکده مذکور قهوه خانه ده اوطور مقدره ایکن حضور محکمه ده کی متهم محمد کلرک اله جتی ایستدیکنده مرقوم شریف «نم سکا ویره حکم یوقدر وارا یسه دعوی ایتده آل!» دیسیله متهم مرقوم «بن سکا نه سولسم اوتانز سک» دیسی اوزرینه مرقوم شریف «اوتانز سنسک» دیسی عقینده محمد قوشاخی آلتدن براستوریه جیقاروب شریفک آرقسنه برده مرقوم اوزرینه یکدیگرینک یقاسنه صارلقلری و اوصره ده شریف محمدی آلتنه الهرق آغزینه برونه طوغری ایله اورمغه باشلامی عقینده شریف بن اولردم دیسیله هر ایکسی آیاغه قالدقلری و کندوسی طیشارودن باقسنده اولان مو نام کیسه سی چاغره رق مرقومانی تفریق ایتدکلرندن صکره متهم محمد طیشاری جقه رق و زاقک قاپرینه سنه کیدوب اوراده طایمینی بریسه برشی ویره رک تکرار قهوه خانه یه طوغری کلکده ایکن مأمورین ضابطه نکه مرقومی در دست ایتدکلری اخبار و مرقومک حضور مستطقه مقتول شریفک بن اولردم دهرک آیاغه قالدقدن صکره قهوه بیکه سنک اوزرینه اوطور دینی و محمدده مقتول مرقومک یقاسندن طوته رق برده الهی صالادینی و او اناده متهم محمدده بجاغه بکزر برشی کوردیکنی افاده ایلدیکي اخطار و افاده لرینک هانکیسی طوغری ایدوکی استفسار اولدقده حضور محکمه ده کی افاده سی طوغری اولوب انشای منازعه ده مرقومانک هیچ بریسنده بجاق و آلات سائر کورمیکنی و مرقوم محمد در دست اولدقدن صکره شریفک جرح ایدلش ایدوکی کوردیکنی و هر ایکسی قوتلی آدم لر اولوب بالکز باشنه مرقومانی تفریق ایده میه جکی و متهمک برونندن قان آقدینی کوردیکنی تذکار ایلدی .

بوشاهدکده ذات و شهادته نه دیه جکی متهمدن صورلدقده کندوسی اوستوریه ایله اورمینی کی

یائنده بجاق دخی اولمینی جوانی آلدی . شاهد لر مواجه اولندقده کوره بیلدکلری اخبار ایتدکلری سوبدلر . آلت جرح دینلوب امانت دأر سندن کتوردلش اولان بجاق متهم ایله شاهد لر ارا نه اولدقده متهم مرقوم بجاق کندوسنک اولمادینی و شاهد لر دخی طایمقلری ایراد ایلدیلر .

ادعا شاهد لرندن پولیس قومیدری احمد توفیق اقدی یه جلبنامه تبلیغ قلوب قلمه مدینی اکلشیه مدیندن معاون مومی الهک طلیله مومی الهه یکیدن جلبنامه تسطیرینه متفقاً قرار ویریه رک جانب ریاستدن دخی اظهار حقه مدار اولقی اوزره ده بعض کسانک جلب واستاعلری تسبب اولنه رق سنه مرقومه مایسنک بدینی چهارشنبه کونی متهم محمد علی الاصول توفیق خانه دن کتوردیه رک و وکیل و معاون مومی الهه حاضر اولدقلری حاله محاکمه صالونیه جیقیه رق اجرای محاکمه علیه یه مبادرتله هیتجه قماً تبدل وقوعه مبنی ضبط سابق قرائتله طرفیندن بعد التصدیق ادعا شهودندن و غلطه ده عرب جامعی موقعنده مستخدم برده اوتوز برنومرونی حائر اوجینی صنف پولیس قومیسر لرندن احمد توفیق اقدی ابن محمود ایله اظهار حقه مدار اولقی اوزرینه جانب ریاستدن جلیلی تسبب قلاتن غلطه ده عرب قیوسنده طاش اسکله ده اخلاطی محمدک قهوه خانه سنده بیتوتله حمالق ایدن یکر می یدی باشنده مو و محل مذکورده اقامتله شریفک ایدن یکر می بش باشنده عادلجوازی ایدن اوتوز باشنده عادلجوازی مصطفی بن محمود برر حضور محکمه یه جیقاریه رق عندالسؤال طرفیه برکونه قرابت و مناسبت وعدا تارلی اولمینی اکلا شلدقندن و مومی الهه احمد توفیق اقدینک اصولی دأر سنده امر تبلیغی اجرا و دیگر لر یه اخطارات لازمه ایضا قلدقدن صکره علی الافراد استماع اولندقلرند بولاردن احمد توفیق اقدی افاده مضبوطه سی وجهله مقتول شریفک جرحی ماده سندن طولانی حضور محکمه ده کی متهم محمد قره غوله کتور لیدی صرته کندوسی محل وقعه اولان قهوه خانه یه کیدرک مرقوم شریفدن جارحک کم اولمینی سؤال ایتدیکنده کندوسی جرح ایدنک متهم محمد ایدوکی سوبلی اوزرینه قره غوطخانه یه عودله مرقوم محمدی استجوابنده اولا ماده جرحی انکار و مؤخر آوی اوردی بلکه بی اوردینی بجاق کندوسنده تصادفه جریحه دار اولشدر بولنده وقعه یه تذکار و مرقومان مواجه ایدیه رک تکرار جرح محمدن عندالاستفسار کندوسی اوران بومیدر دیومحمدی ارا نه ایتدکلرند اوت بودر دیسی اوزرینه مرقوم سکونی اختیار

ایلدیکنی یاد و انشای استجوابنده متهم مرقومک لونی تغیر ایتدیکنی و ارا نه اولان بجاغک آلت جرح اولقی اوزره بر قاپرینه ده بولدقلری بجاق ایدوکی ایراد ایلدی . بوشاهدک ذات و شهادته نه دیه جکی متهم محمدن صورلدقده برده جکی اولمینی سوبلدی . مو وقعه سکونی محمدک قهوه خانه سنده اوطور مقدره ایکن خاجیک کلرک انصانده کی قهوه خانه ده ایکی شخصک منازعه ایتمکده اولدقلری خبر ویرمی اوزرینه مذکور قهوه خانه یه کیتدیکنده مقتول شریفک برالیه محمدک آلتدن طوتمش و دیگر الینده بکرینه قومیش و محمد دخی مرقومک یقاسندن صارلش برحاله کوردیکنی و بوسره ده مرقوم شریف بونک الهی بقامدن قورتارک بی یاره لادی دیسیله مرقومک الهی شریفک یقاسندن قورتارده رق محل وقعه ده بولان دیگر شریف دخی محمدی طیشاری یه جیقارمسی معقب شریفک بیکه اوزرینه بو وارلندینی و بواننده محمد قهوه خانه خارجنده قوتلوی آلتدن بریجاق جیقارده رق و مرقوم شریفه اطاله لسان ایله برابر طیشارویه جیقهرق و کور یکیتک نصل اولور دهرک کیتدیکنی و بونک اوزرینه شریفک قاصیندن جرح ایدلش ایدوکی کوردیکنی بیان و عند الاستفسار مرقوم محمد ایله مقتوله قهوه خانه ایچنده بولندقلری زمان بجاق و سائر شی کورمیکنی و دیدیک محمدک حضور محکمه ده کی متهم شخص ایدوکی انیان ایلدی .

نه دیه جکی متهمدن سؤال اولندقده سبب بیان ایتیه رک بوشاهدک شهادتی قبول ایتیه جکی سوبلدی . اسماعیل بن عزیز وینه عرب قیوسنده قهوه جیلک برر حضور محکمه یه جیقاریه رق عندالسؤال طرفیه برکونه قرابت و مناسبت وعدا تارلی اولمینی اکلا شلدقندن و مومی الهه احمد توفیق اقدینک اصولی دأر سنده امر تبلیغی اجرا و دیگر لر یه اخطارات لازمه ایضا قلدقدن صکره علی الافراد استماع اولندقلرند بولاردن احمد توفیق اقدی افاده مضبوطه سی وجهله مقتول شریفک جرحی ماده سندن طولانی حضور محکمه ده کی متهم محمد قره غوله کتور لیدی صرته کندوسی محل وقعه اولان قهوه خانه یه کیدرک مرقوم شریفدن جارحک کم اولمینی سؤال ایتدیکنده کندوسی جرح ایدنک متهم محمد ایدوکی سوبلی اوزرینه قره غوطخانه یه عودله مرقوم محمدی استجوابنده اولا ماده جرحی انکار و مؤخر آوی اوردی بلکه بی اوردینی بجاق کندوسنده تصادفه جریحه دار اولشدر بولنده وقعه یه تذکار و مرقومان مواجه ایدیه رک تکرار جرح محمدن عندالاستفسار کندوسی اوران بومیدر دیومحمدی ارا نه ایتدکلرند اوت بودر دیسی اوزرینه مرقوم سکونی اختیار

استیضاح واقع اوزرینه طرفین توسیع تحقیقاته متعلق برکونه طلباری اولمینی سوبلرله تحقیقاتک بوندن عبارت ایدوکی بیان اولدقده معاون مومی الهه متهم محمدک بر آلا جق ماده سندن طولانی بیلرند حادث اولان منازعه اوزرینه بالتهور شریفی جرح و قتل ایلدیکي اخبارات و معاینه راپوری مندرجاتی و کندوسنک منازعه یه مقر بولنمی و دلائل سائر ایله ثابت اولدقندن مجرمینه قرار ویرلمسی طلب وادعا و مدافعه وکیل استپان اقدی دخی موکنک فعل قتلک فاعلی اولدینی حقتده شهود مستعنه نکه افاداتی تقدیر محکمه یه عائد اولوب موکلی مرقومک فعل قتله جرأتی حقتده محکمه یه قساعت حاصل اولدینی تقدیرده انشای منازعه ده مقتول طرفندن

برخیلی ضرب ایلدیکي و مقتولک جسم الجئه وقوی البینه بر شخص اولدینی کی اوزرنده دخی بجاق بولندینی یینه شهود مرقومه نکه اخباراتدن اکلا شلمقده ایدوکندن موکلی محمدک فعل قتل مدافعه نفس ضمنتده ایقاع ایتش اولدینی بالیان اول صورته مظهر معدلت اولمسی استعدا و متهم محمدده بشقه دیه جکی اولمینی انیا ایتلرله بو جهت حقتده کی محاکمه ک ختام بولدینی تفهیم اولنه رق مذاکره اوطه سنه کیدلدی .

(مابعدی که جک نسخه یه)

عنانک آنکلی یی ضرب و جرح ایلدیکي ثابت اولدقندن برهفته حبسنه

قهوه جی حاجی خیرینک دوشمه جی روشن اغای ضرب ایلدیکي ثابت اولدقندن برهفته حبسنه آلتی مرمرده ساکنه خدیجه خانه حقاتر ایدن قوجه مصطفی باشاده ساکن دباغ مصطفی اقدینک برهفته حبسنه

آرابه تعمیرجیسی اوخانه اطاله لسان ایدن آشچی رونک اوج کون حبسنه

سیقاره کاغذجیسی اوسسی ضرب ایدن طوپال آریندن برلیرا آتهرق مضروب ویرلمسه مضارب ایتدکلری اکلایشیلان شیرولی عثمان و جمال محمدک برهفته حبسلرینه

دریه خانه اطاله لسان ایدن محمدن برلیرا جزای نقدی اخذینه

کوجک مصطفی باشاده ساکن حسین ایله صندالجی علینک یکدیگرنی ضرب ایلدکلری ثابت اولدقندن علینک اون بش کون وحسینک برهفته مدتلرله حبسلرینه محمود باشاده سهولت خانده ساکن موصلی منصور عثمان اقدینک ساعت و قوردوتی سرق ایدن عزیزک اوج آی حبسنه و ختام مدت جزایه سننده ضابطه یه نظارت آلتنه آلتنه

قبوچی دورمش افانک آچمسی سرق ایلدیکي تحقق ایدن بشکطاشده خیبری بک خانده ساکن علی بن محمدک اوج آی حبسنه و ختام مدت جزایه سننده ضابطه یه کفالتله ربطه

بربر پترونی جرح ایدن غلطه ده ساکن یونانی یانینک ایکی آی حبسنه و ایام معطله اجرتی اولقی اوزره تقدیر ایدیلان درتوز یتش غروشک دخی تحصیلیه مرقوم پترویه اعطاسنه

بشال ارخانککومی ضرب ایدن معمار زقاغنده ساکن آندون ایله قاتینه دن برلیرا آتهرق مضروب اعطاسنه

نیقو ایله برادری قوچونی ضرب ایدن دولاب دره سنده ساکن یونانی میچونک اون کون حبسنه بلاموجب کورلی و شاته ایلدکلری ثابت اولان الما طاغنده ساکن حولو وزوجه سی پنه ایله قانو و خروستونک اوجرکون حبسلرله برابر کندولرندن اوزر بشلک جزای نقدی اخذینه

حیدیه نکه اسکندری ضرب ایتدیکي ثابت اولد یفتندن برهفته حبسنه عایشه خانی ضرب ایدن بکردن برالتون آتهرق مضروب یه اعطاسنه

نظیف اقدی یی ضرب ایدن مدوح بکدن بریجق آلتون آتهرق مضروب اعطاسنه

بقال چراغی محمدی ضرب ایدن قصاب چراغی محمدک اون بش کون حبسنه

صندالجی اسماعیلک صندالندن پاره کیسه سی سرق ایدن مصطفانک اوج آی حبسنه و ختام مدت جزایه سننده ضابطه یه کفالتله ربطه

ستره قادی ضرب ایدن قوزغنجقده ساکن صارا قادینک برهفته حبسنه

نفیسه خاتمه کریمه سی مریمی ضرب ایدن صدیق قادینک برهفته حبسنه

نیقولی یی ضرب ایدن قندیلیده ساکن خیری اقدیندن برلیرا آتهرق نیقولی یه اعطاسنه بالقجی اسماعیل حق اغای ضرب ایدن رژی قوبلرندن محمدک اون بش کون حبسنه

مقصود نام چوچنی ضرب ایدن قلامشده مقیم علقونک برهفته حبسنه

زوجه سی فاطمه خانی ضرب ایدن حیدر پاشا شمندوفری غادفره نلرندن ولی اغادن برلیرا آتهرق مزبوره یه اعطاسنه

باغچوان مولود افانک البسه سی سرق ایلدیکي ثابت اولان اضروملی قهرمانک اوج آی حبسنه و ختام مدت جزایه سننده ضابطه یه کفالتله ربطه

یکدیگرنی ضرب ایدن اسکی حمامه ساکن ایرانی آشچی محمد ایله آراه جی بکرک بر هفت حبسلرینه محکمه عائدونه مراجعت ایتمکسزین خانه سننده مستاجر بولان پولیس علی اقدینک خانه سنه کیروب خودبخود مأمورین اجرا یه یه عائد وظیفه یی ایفا ایلدیکي ثابت اولان پنه خاتمک اوج آی حبسنه

احمدی جرح ایدن اسکدارده بلبل دره سننده ساکن آراه جی ابراهیمک برهفته حبسنه حسن حلی اقدینک تسبیح جری سرق ایدن ماظلی نعمانک آلتی آی حبسنه

راشد اقدی یی ضرب ایدن محمود باشاده ساکن بالونجی مصطفانک برهفته حبسنه

استیلبانوسی ضرب ایدن قومقوده ساکن اجزاجی قالفه سی کرقوردن برلیرا آتهرق مضروب اعطاسنه

پیری پاشا مرکزنده مستخدم پولیس مأموری ابراهیم اقدینک اشیا سی سرق ایدن بار زقاغنده ساکن حایکک اوج آی حبسنه و ختام مدت جزایه سننده ضابطه یه کفالتله ربطه

یوآکی جرح ایدن یونان دولتی تبعه سندن غازیوچی دیودن برلیرا آتهرق مجروحه اعطاسنه در سعادت، بک اوغل و اسکدار بدایت محکمه لری جزا دأر لر نیجه قرار ویرلشد.

اعلانات

برنجی حکمیه تجارنده :

اوستریا دولتی تبعه سندن و تجارتدن اوستریا سنا تار شهرنده مقیم القوس طومانه نکه وکی امانول کورجیان اقدینک اقامتگاه یه مجهول بولان تبعه دولت علیه دن قو میسیونجی م. ب. نه علیه نه اقامه ایتدیکي دعوان دولای لاجل الحاکمه اعلانات اجرا سیله و قوعبولان تبلیغات اوزرینه تعیین اولان کونده مومی الهه موسیونه رک دعوتله اجابت ایتماسندن ناشی دیقرائیان خاننده طقوز نومرولی اوطه ده مقیم دیقرائیان اقدی یه مودع بولان مدعایه امتعه نکه اعاده سننه دأر محکمه تجارت برنجی مجلسندن لاحق اولان ۱۴ اغستوس سنه ۳۱۹ تاریخ و ۷۷ نومرولو اعلام غیابینک صورت مصدقه سی محکوم علیه مومی الهه برنوال محرر اقامتگاهی مجهول بولنقی حبسیله اصول محاکمه تجارت نظامنامه سنک یکر می برنجی ماده سی حکمه توفیقاً طرفیه تبلیغ اولنش عد اولنقی اوزره محکمه دیوانخانه سننه تعلیق اولدینی کی کیتک اوراق حوادث واسطه سیله دخی اعلانه ایتدار قلندی .

تجارت بحیره حکمیه سننده :

استانبولده محمود باشاده ۲۹۱ نومرولی دکانده و بروسده تیور قو چارشوسنده ساکن ایکن تجارت بحیره محکمه سندن افلاسنه حکم اولنش اولان خاجی آزاریک و حایق حاورجیان شرکتنک خصوصات افلاسیه سنک رؤیت و تسویه سی ضمنتده قدری بلکه دران ارغانیان اقدی اصالة سننک تعیین قلمش اولدقلرندن مقس مرقوم ذمتنده الاجتی اولانلرک قانوننامه تجارتک ۱۹۹ و ۲۰۰ نجی مادله یی موجبجه تحقیق دیون ایچون تاریخ اعلاندن اعتباراً یکر می بر کون ظرفده سنداتی محکمه کاتبه تسلیم ایلری

ومدت ختامندن صكره اوچ كونده يعنى ۳۱۹ سنهسى
ايولونك يكرى بشنجى نجشنبه ، يكرى يدنجى جمعه
ايرتسى ويكرى طقوزنجى بازار ايرتسى كونلر نده تجارت
بحريه محكمه سنك افلاس او طه سنه كلهرك سنديك
افنديلر مواجهه سننده الاجقارنى اثبات وقيد
وتصديق ايتديرملرى ومدت مذكوره ده اثبات
وجود ايده ميان الاجقاولر حقننده قانون مذكورك
۲۱۰ نجى ماده سنه توفيقاً ايفاي معامله اولنه جنى
اعلان اولور .

ايكنجى تجارت محكمه سننده :

غلطه ده حاويار خاندنه ساكن ايكن ايكنجى
تجارت محكمه سنندن افلاسنه حكم اولنش اولان
يواناكي آنداواللى اوغلى والنسطاش تللى اوغلى
شركتك ذمتنده الاجننى اثبات ويا موقه قبول
وقيد ايتديرمش اولان الاجقاولر ك قانوننامه تجارتك
۲۱۱ نجى وآنى ولى ايدن مادهسى موجبجه مفلس طر-
فندن تكليف اولنه حق قوتقورداتونك مذاكرهسى ايچون
۳۱۹ سنهسى ايولونك سكرنجى بازار ايرتسى كونى
محكمه مذكوره نك افلاس او طه سنه كللى اعلان
اولور .

بفادار تجارت محكمه سننده :

بفدادك ابوسيفين محله لى بزاز سلمان هليلك موقه
اعلان افلاسنه وماسه ايشلرني رؤيت وتسويه ايتك
اوزره محكمه اعضا سنندن رفعتلو كامل افنديك ژور
قوميسر وكتبه دن قاسم افنديك موقت سنديك تعيينه
محكمه جه قرار ويرلمش اولديغندن دائمي سنديك انتخاب
ايلك اوزره داينلرك حزرانك يكرى اوچنجى بازار
ايرتسى كونى ساعت برده محكمه تجارتك افلاس او طه-
سنه كللى اعلان اولور .

بفدادك حنون محله سننده مقيم تجاردن عزره حسيقل
مينك موقه اعلان افلاسنه وماسه ايشلرني رؤيت
ايتك اوزره محكمه اعضا سنندن سعادتو نعمان افنديك
مأمور ومحكمه باش كاتبي نعمان افندي ايله كتبه دن
شاؤل داود افنديك موقت سنديك تعيينلر نه محكمه جه
قرار ويرلمش اولديغندن دائمي سنديك انتخاب ايلك
اوزره داينلرك ماه اغستوسك يكرى سكرنجى نجشنبه
كونى ساعت برده محكمه تجارتك افلاس او طه سنه
كللى اعلان اولور .

اعلامات شرعيه اجرا دائره سننده :

متوفى حسين خاكي افندي ورثه سنك بالموجي

اصنافدن محمد افندي ذمتنده قسمت عسكريه محكمه-
سندن اعطيا قلنان بر قطعه مقتضا اعلامى موجبجه
الاجنى اولان مبالغ معلومه نك تأمين استيفاسى ضمننده
مرهون وفروختى محكوم بولنان بر مق قبوجاده سننده
واقع يكرى سكر نومرو ايله مرقم فوقنده ايكي
او طه يي مشتمل كاركي برباب وقف بالموجي دكانك
نصف حصه شايه سيله دروننده مستقر نظاملو ايكي
عدد او طراجي كدكندن يومى ايكي اچه اجاره
مؤجله لو بر عدد او طراجي كدكك نصف حصه
شايه سى وشهره او تونز اچه اجاره مؤجله لو بر عدد
او طراجي كدكك ربع حصه شايه سنندن هر برى
بوندى مقدم لى المزايدة لىراى عثمانى يوزغروشدن
بشيك غروش بدل ايله طالبى اوزرنده تقرر ايتش
وموقت قرار داده سى كشيده قلنمش اولديغندن
يوزده بش ضميله بوندى زياده يه طالب اولنلرك تاريخ
اعلاندى اعتباراً او تونز بر كونه قدر اعلامات شرعيه اجرا
دائره سنه مراجعت ايللرى ومدت مذكوره دن صكره
پى قبول اولنيوب تقرر ايدن بدل مقابلنده طالي
عهده سنه معامله فراغيه سنك اجرا قلنه جنى اعلان
اولور .

اعلامات نظاميه اجرا دائره سننده :

خزينه خاصه شاهانه نظارت عليه سنك بر قطعه
اعلام نظامى موجبجه جهت كفالندن استقان ولد
نيقوله ذمتنده محكوم به مطلوبى اولان مبالغك تأمين
استيفاسيچون مديون مرقومك پدى نيقوله دن ارثاً
انتقال ايدن شيخ محمد كيلانى محله سننده ذخيره جيلر
جاده سننده كوپرى باشى ميداننده واقع يتش اوچ
ويتش بش نومرولو واوچيوز بيك غروش قيمتو
يكديكرينه مقلوب ايكيچى كاني افنديك مستأجراً
ساكن بولندينى دكان تسمانك يكرى در در سهم
اعتباريله مديون مرقومه عائد بر سهم حصه لرى
بالمزايدة لىرا يوز غروش حسابيله يكرى بر
بيك يوز غروش طالي عهده سننده تقرر ايدرك
موقه قرار داده سى كشيده قلنمش اولديغندن يوزده
بش ضميله طالب اولنلرك پى اچه ليله برابر تاريخ
اعلاندى اعتباراً او تونز بر كون ظرفنده در سعادت
اعلامات نظاميه اجرا دائره سنه مراجعت ايللرى
اعلان اولور .

طاوقهى قادينك آغوب افندي ذمتنده بااعلام الاجنى
اولان مبالغك تأمين استيفاسيچون مرهون وفروختى
محكوم بولنان يدي قله خارجنده واقع شرفاً شمندوفر
يولى غرباً مديون آغوب افنديك ترلاسى شمالاً طريق
جنوباً يانقو وسايره ترلازيله محدود يكرى دو نمدن

عبارت بر قطعه ترلانك تسمامى التمش بر كون اجرا
قلنان مزايده عليه نتيجه سننده لىراى عثمانى يوزغروش
حسابيله سكر بيك غروش طالي عهده سننده تقرر
ايدرك رغبات ناسك انقطاعه مبنى موقه قرار داده سى
كشيده قلنديغندن يوزده بش ضميله طالب اولنلرك
پى اچه ليله برابر تاريخ اعلاندى اعتباراً او تونز بر
كونه قدر در سعادت اعلامات نظاميه اجرا دائره سنه
مراجعت ايللرى اعلان اولور .

عدد	عدد
۱ كير آينه	۱ مع آينه بربر ادواتى
۳ مرمرلى ماصه	۵ كهنه صنداليه
۱۷ رسم لوحه سى	۴ كهنه قنابه
۱ كهنه معدن صوبه	۴ ناركوله مع سر
۱ كهنه باقر لىكن	۸ ناركوله كلاهى
۹ مرمر طاش	۴ باقر جزوه
۵ عادى صوبارداغى	۱ كهنه قهوه قزغانى

وبوكا مائل صنداليه وساير قهوه خانه اشيائى
اورمان ومعادن نظارت جليله سنك قهوه جى يوركي
ذمتنده محكوم به الاجنى اولان معلوم المقدار مبالغك
تأمين استيفاسى ايچون مديون مرقومك مالى اولوب
حجز اولنان بالاده جنس ونوعى محرر اشيا ايلولك
اوچنجى چهارشنبه كونى چارشوى كيبرده يول كچن
خاندنه بالمزايدة فروخت اولنه جنى در سعادت اعلامات
نظاميه اجرا دائره سنندن اعلان اولور .

اسكدار بدایت محكمه سى اجرا دائره سننده :

بقال يوركينك سعادتو لىب بك ذمتنده بااعلام
الاجنى بولنان مبالغك تأمين استيفاسى ضمننده حجز
اولنان بلغورليده كوچك جامليجه جوارنده اوچ
پيكار جاده سننده مديون مومى اليك متصرف اولدينى
برطرفى صراف ماردىك ورثه سى باغى وديكر طرفى
لباده جاده سى و برطرفى مصطفى باشا ورثه سى باغى
وطرف رابى اوچ پيكار جاده سيله محدود التى او طه
وايكي صوفه وبر مطبخ وبرقيوي واخشاب اوله رق
ايكى قات وخارجاً بر باغى او طه سنى و بر آخورى
مشتمل تخميناً يكرى دونم باغك زمينى حضرت هدايت
عزير محمود افندي وقفندن مقاطعه لو اولوب كروم
وابنيه سى ملك بولنان يكرى بر نومرولى مع باغ برباب
كوشكك تاريخ اعلاندى اعتباراً اون بش كون صكره
بالمزايدة فروخته مبادرت اولنه جنى اسكدار بدایت
محكمه سى اجرا دائره سنندن اعلان اولور .